

مظفر النواب



للريل وحمد

شعر

ما

للريـك وحمد



شعر

Author: Modhafar AL-Nawab
Title: For the Rail and Hamad
Al- Mada P.C.
First Edition : 2008
Copyright © Al- Mada

اسم المؤلف : مظفر النواب
عنوان الكتاب : للريل وحماد
الناشر : المدى
الطبعة الأولى : ٢٠٠٨
الحقوق محفوظة

لوحة الغلاف للشاعر
والرسوم الداخلية للفنان ضياء المزوي

دار المدى للثقافة والنشر

سورية - دمشق ص.ب. ٨٧٧٢ او ٧٢٦٦ - تلفون: ٢٢٢٢٢٧٥ - ٢٢٢٢٢٧٦ - فاكس: ٢٢٢٢٢٨٩

Al Mada Publishing Company F.K.A. - Damascus - Syria

P.O.Box . : 8272 or 7366 .-Tel: 2322275 - 2322276 , Fax: 2322289

www.almadahouse.com E-mail:al-madahouse@net.sy

بيروت - الحمراء - شارع ليون - بناية منصور - الطابق الأول - تلفاكس: ٧٥٢٦١٧ - ٧٥٢٦١٦

E-mail:al-madahouse@idm.net.lb

بغداد - أبو نواس - محلة ١٠٢ - زقاق ١٢ - بناء ١٤١

مؤسسة المدى للإعلام والثقافة والفنون

E-mail:almada112@yahoo.com

لا يجوز نشر أي جزء من هذا الكتاب أو تخزين أي مادة بطريقة الاسترجاع ، أو نقله ، على أي نحو ، أو بأي طريقة سواء كانت الكترونية أو ميكانيكية ، أو بالتصوير ، أو بالتسجيل أو خلاف ذلك ، إلا بموافقة كتابية من الناشر ومقديماً .

All rights reserved. Not part of this publication may be reproduced stored in a retrieval system , or transmitted in any form or by any means ; electronic, mechanical, photocopying, recording or otherwise, without the prior permission in writing of the publisher.

مظفر النواب

للريك وحمد

شعر



المقدمة

الصوت ١٠ : كم يتعذب ؟

الصوت ٩ : مَنْ قال له ، يبقى حياً في الأيام

مَنْ يبقى حياً يتعذب .

ليمتْ مثلك أو مثلي

تسكنهُ الراحة .

الجوقة : الماء يعذب في الساحة .

أعطي أوراقاً ،

فمحاها

فهو الماء

أعطي أوراقاً أخرى

حتى يثسوا

فهو الماء .

صوت الشاعر : يا كل الأيام اجتمعوا

يا كل الجوقات اجتمعوا

الليلة يعرفني حزني

الليلة يعرفني الشك القاتل

في ابني .

وسياتي المكتوب بكلكامش

الصوت ٨ : وأرى المكتوب بكلكامش

فأنا القادم من أخطائي

وأنا شاهد أخطائي

ولذا أبصر في الأيام

أخلصت لحد الأخطاء .

صوت الشاعر : يا كل الأيام اجتمعوا . فأنا وحدي .

الجوقة : عند الموت يكون الشاعر وحده

عند الموت يكون الشاعر وحده

عند الموت يكون القائد وحده

صوت الشاعر : اجتمعوا .. فأنا وحدي .

صوت ٩ : بدأ الموت يدب به .

أصوات بعيدة

وقريبه : الموتُ .. الموتُ .. الموتُ .. الموتُ

صوت ١٠ : لو كنتُ أرى الذلَّ بعينيه وقبلَ الموت .

الأصوات : الموتُ .. الموتُ .

الجوفه : الماء يعذبُ في الساحة

أعطي أوراقاً فمحاها ..

فهو الماء

أعطي أوراقاً أخرى

حتى يثسوا ..

فهو الماء

صوت الشاعر : يا أحبابي اجتمعوا

يا كل الأيام اجتمعوا .. فأنا وحدي

والليلة يعرفني حزني

والليلة يعرفني الشك القاتلُ في ابني

والليلة وحدي ..

((مظفر))

من ((الشاعر ليس استيراد)) (١)

١ مسرحية شعرية كتبها الشاعر في سنة ١٩٦٩.

القصائد

للريك وحمد

((على ماء الصبح احبته ..
على ماء الليل ، كان للهجر قمر،
ومر قطار))

مرینه بیکم حمد ، واحنه ابغطار اللیل
واسمعنه ، دگ اگهوه ..

وشمینه ریحه هیل

یا ریل ..

صیح ابقهر ..

صیحه عشگ ، یا ریل

هودر هواهم ،

ولک ،

حدر السنابل گطه

*

یابو محابس شذر ، یلشاد خزامات

یا ریل بالله .. ابغنج

من تجزي بام شامات

ولا تمشي .. مشیه هجر ..

گلبي ..

بعد ما مات

وهودر هواهم ،
ولك ،

حدر السنابل گطه

*

جيزي المحطة ..

بحزن ..

وونين ..

يَفراگين

ما ونسونه ، ابعشگهم ..

عيب تتونسين

يا ريل ..

چيم حزن ..

اهل الهوى ، امچيمين

وهودر هواهم ،

ولك ،

حدر السنابل گطه

يا ريل ،

طلعوا دَغَش ..

والعشگ جذابي

دگ بيّه كل العمر ..

ما يطفه عطا بي

نتوالف ويه الدرب ،

وترابك ..

ترابي

وهودر هواهم ،

ولك ..

حدر السنابل گطه

✽

انه ارد ألوك الحمد .. ما لوگن لغيره

يجفّاني برد الصبح ..

وتلجلج الليره

يا ريل باول زغرنه ..

لعينه طفيره

وهودر هواهم ،

ولك .. حدر السنابل گطه

*

چن حمد ..

فضة عرس ..

چن حمد نرگيله

مدگگ بمبي الشذر ،

ومشلّه اشليه

يا ريل ..

ثگل ييبويه ..

وخلِ اناغيله ،

يكن اناغي بحزن منغه ..

ويحن الگطه

أرد اشري جنجل

والبس الليل خزامه

وارسم بدمع الضحج

نجمه

وهوه

وشامه

ويا حلوه بين النجم

طباغة لخزامه

وهودر هواهم

ولك ..

حدر السنابل غطه .

غضبة دفو ، يا نهذ

للمك .. برد الصبح

ويرجفتك ، فراكين الهوه .. يا سرح

يا ريل ..

لا .. لا تفرّزهن ..

تهيج الجرح

خليهن يهودرن ..

حدر الحراير غطه

چن گذلتك ..

والشمس ..

والهوه ..

هلهوله

شلایل بریسم ..

والبریسم إلك سوله

واذري ذهب يامشط

يلخلگ .. اشطوله !

بطول الشعر ..

والهوى البارد ..

ينیم الگطه

تَو العيون امتلن . .

ضحجات . . وسواليف

ونهودي زَمَن . .

والطيور الزغيره . .

تزيف

يا ريل . .

سيّس هوانه ،

وما اله مجاذيف

وهودر هواهم ،

ولك . .

حدر السنابل كطه .

مضاييف هيك

((١٩٥٩ - بدأ الاقطاعيون بنهر

الكحلاء ، وابتدأت الردة..))

مَيَّلَن ..

لا تنگطن كحل ..

فوغ الدم

ميلن ،

وردة الخزامه تنگط سَمْ

جرح صويحب ،

بعطابه ،

ما يلتم

لاتفرح ابدمنه .. لا يلگطاعي

صويحب من يموت المنجل يداعي

*

حاه ..

شوسع جرحك !

ما يسدّه الثار ،

يصويحب ..

وحگ الدم ،

ودمك حار

من بعدك ،

مناجل غيظ ايصصدن نار

*

شيل بيارغ الدم ، فوگ يلساعي

صويحب من يموت المنجل يداعي

*

مئلن .. لا تغيظنه ..

بِجَه صويحب

وبجفته الندي ،

نجم الكحل ..

غايب

لو يشرِّگ اردود

المسج ،

ونعاتب

عتب النده ، بروح البردي ، يلناعي
وملامع عيون انعجه ، للراعي

*

لَتَفْزَعَنَّ ، نثايه العين ..

شِدْنَه

ميلن وردة الخزامه ، على الخنّه
صويحب ..

مامشْ صويحب أبداً .. مِنْه

هذا ايشان ، ماينذل للأقطاعي
وبليل الخناجر ، منجله ، يداعي

*

ودنّ على المكاحل

يامضايف هيل

غظنه ،

بكحل دخله ..

ومحبة ليل

عگبك سچّه يصويحب ..

هجرني الريل

لتشيلك مذكه الريل يگطاعي

من ريل ((الرميته)) المنجل يداعي


*

هاي انه اللحضنك

لاتلم روحك

اضمك بالكصايب

عين لتلوحك



يصويحب ..

أفيّ الفيه ..

لجروحك

يتلاغن عيون الذيب بشراعي .

واحاه اشكير ، ضحجات الاقطاعي !!!

*

صويحب على العگل ،

صندوگ عرس ..

اچبير

حزمه من الحصاد ..

أيلفها . طيب چثير

وين الي يگلي ..

.. ((فلان))

وين ايصير

أوصله وادگ شراعه بشراعي
صويحب من يموت المنجل يداعي

*

صدر الغيظ ..
اينفثن نار ،
عل المشرگ

وجفوف الفلح ،
لمة شمس ... تحرگ
ها .. يلحكم!

هاي شرايع ، اتمزلگ
والخنزير ، يزلگ بيها ، يلراعي
وصويحب يموت ، ومنجله يداعي

*

حا .. يصويحب ..
الدگات ، ايفتحن دم

وبشيمة عطش ..

تندّه اليشامغ ..

سم

يلنجمك حمّر ..

عدّه ، العگل تلتّم

طيّبُ الذات ، خاوه الذيب والراعي

وتوالم عرس وأويّه واغطاعي

*

طشن .. طيب ..

وخزّامات ..

ورزُ عنبر ،

وبحسن الغصايب ، حنن المعبر ،

ماهي جروح ،

يصويحب ..

نگش خنجر

حِسُّكَ حِسُّكَ .. اتنبّر يهل الناعي
صويحب من يموت المنجل يداعي

*

صويحب ...

هاي حبتك ..

لاتطول الموت

من تسمع شجّية الفلح ..

رد الصوت

هاي الدنيه

عيب يضيج بيها الفوت

الْبِدْ . البد . ابدمك . يلگطاعي

كل بيدر وراه المنجل ايداعي

١٩٦٠

عشائر سعود

((١٩٦١ - الدولة مدانة لأنها

قتلت سعود...))

هذوله احنه ..

سرجنه الدم

عله اصهيل الشكر ..

يسعود

خلينه زهر النجوم ..

من جدح الحوافر ،

سود

تتجادح عيون الخيل ،

وعيون الزلم .. بارود

وياخذنه الرسن ..

للشمس ..

من زود الفرع ..

ونزود

*

يسعود اخنه عيب نهاب .. يا بيرغ الشرجيّه
هذي ايشامغ الثوار ، تبرج نار حربيّه

*

حزمنه افلاك دم ،

يسعود ..

يتلاله الفشگ بيها

لو نسنّه عرج ثوار

گومو ..

انگوم ، نفنيها

نشاگيها ابخناجرنه ..

انتلاعيلك لعب بيها

واتهل المناجل ..

بيض

كل الدينه تضيويها ..

يسعود احنه عيب انهاب ، يا بيرغ الشرجيه
نجمه الغبشه ثايتنه ، عله حدود الحراميه .



سعد يسعود ..

يمصنغر ..

عله الحومه ..

غضب أرگط

يمهرک ،

من يشگ الليل ..

نجم ذویل ..

ايعطهم عط

صيححاتک تهز الموت ،

کل صيحه ..

بألف أمعط

وأخيتك ، تنذر الدنيه ،

من تشوف العدو .. ينحط

يسعود احنه عيب انهاب ، يا بيرغ الشرجيه
خلّه الدم يجي طوفان ، كلنه انحوض عبريه

*

كحلنا لك ، ألف مشحوف

يمشي بهيبه ... للدوله

علگنا لك عله الصوبين

علگه ،

عيون مشتعله ،


بنادقنه تطرز الليل ،

تضوي الكلفه ، والسهله

تحذر ،

يا شهم يسعود ..

حكام المدن دقله



لا تامن حجي ، بلا ساس ، يا بيرغ الشرجيه
عين الذيب ، عيب تنام ، من اتصوفر الحيه

*

هذوله أحنه ،

نجد السيوف ،

برگاب الصكر والذيب

ما تترك أثر ،

يسعود ،

من انغير .. بس الطيب

وتمولح عيون الخيل ،

عجه انظر ..

وعجه اتغيب

ينخل فشگ ليل الموت ،

وعيونك ، ليالي زيب

*

يسعود احنه عيب انهاب ، يا بيرغ الشرجيه
نجمه الغبشه ثايتنه ، على حدود الحراميه

*

هذوله احنه بأمل .. يسعود ..

كل نجمة انتلگاها

نمد الها البسط ..

دم ذيب ..

وندگ گهوه وياها

نسايلها عن اخبارك

تعوگ ليش ؟!

تنباها

وعشايرنه خناجر ثار ..

بس اندهه

تلگاها

يسعود احنه عيب انهاب يا بيرغ الشرجية
هذي ايشامغ الثوار تبرج نار حربيه .

جايتنه مزنه

((ثم جاء الليل ...

ثم جاءت الريح))

كانون اول ١٩٦٢

خضري يا روحي ..

اعله بختج ،

هذا آخر شوگ عدنه

خضري ..

وانطي شما بحيلج

من ورد

جايته مزنه

انطي كل البيج

للسمه

گبل مالريخ

يهزنه

حبيبه!

آخر طيب ايدگ بابي

اموتن ..

حدر رده

حبيبه يا روحي ..
أظن الليله ، حتّهُ المحلّ

يمطر

حتّهُ عود الهجر فرّع
عود لاخر ،

وأنه أنظر

خضري فوگ الباب ..
فوگ العتبه ..
فوگ الرزّه

خاف السنه تعبر

لا يروحي ...

اشگد محزنه!!!

گلنه جذبّه ...

گلنه مرّه من العطش ، يا روح

گلنه

افطره هم ما بيع يا روعي !!؟

الورد ؟

معذوره منه .

١٩٦٢/١/١

نگصني

۱۹۵۹

نگصني النهـد ..

شايل ثـگل ..

شامه

وبـي الورد ..

غرگان ،

شمامه

شنهي الخصر هذا ابـحـبـس خزامه ؟!!

نگصني النهـد ..

نگصني ..

نگصني

*

شهـگـة عرس .. يا أسـمر .

يا منابـع طـيب !!

كشمـش عـجم ..

مطـگ ..

چـن شراب زـيب

گلبي اتلوع ..

اتلوع ..

بعد ميطيب

نگصني النهـد ..

نگصني ..

نگصني

*

لا بد من زغرِ فهمه ،

بدفو العنبر

ضيـفي الهيل ..

وضيفيني ..

ابشيم شمر

شگ الزيج ..

يرگشني .. رگش خنجر

نكضني النهـد ..

نكضني ..

نكضني .

*

ريگ الورد ..

نـداك .

وفحت على الريح

يارابي برعد

خصر الترافة بضيج

گطعت زرار روعي

لا تتل الزيج

نكضني النهـد ..

نكضني ..

نكضني .

مامش مايل

((ولا يزالون يرون في الاعراس

مهرًا ، يعبر في آخر الليل))

١٩٦٠

تَنْذَلُ النجومُ يَلدنيه ..

وعيناى ابليلج ،

مشتعله

وانشابجلج مية منجل

تنضح دم ،

وانشلع الدولة

وكل الشميسه ،

انباھيها

بحبة حنطه اتغامز دجله

وهاى انگلج : كل مزهور ابغيظه ايطوف

*

يلعابر مينه ..

بليل ازرگ ،

والشهگه اتخطك

واتشيلك

وغلادة مهرك ،

تتشامر ،

عل الليل ،

انحوم اتصويلك

يمشرد بزبون الزفه

شموع الزفه

اتطرز اشليلك

كل للعايل .. ما مش مايل .. الا ويغرگ

*

مهرك يتجادح بالحنطه ،

ويعلگها امنائر ..

لغالك

كل شمرة حافر .. گمريه

اشکثر اگمار تموت ..

اگبالک!

والسنبل نغازه وعنبر

يضويك ..

والليل امعارك

لا تتجفل .. فاله ومنجل .. والمائي ازرك

*

هيمه ،

ونجمات امندايه

وما غترك بشغاف گليبي؟!

شدموع ابجفي امحنايه

بثوب الدخله ..

ومزگو ثوبي

كل جزّه گصبيه ..

بحنتها ..

ومادنج للذل .. يلعيبي

عيب انذلك .. گلهم لهلك .. ثوروا انهلهل

كل مهجه ،

ثريه تلاليك ،

يطيح نجمات الورشن

عقيه بكسريتك ..

شتهل !

كل فشغه بخاين تتفطن

وان ذلو خيط من اذبالك

تتمزگ هيبه

بكل معدن


فوك اتشامر .. ما مش موزر .. توصل حدك

*

الله ، العيبي .. ولعب عيونك ..

ضمينه الحنه ..

تنانيكم



هاي الغدله ،

تموت بحزنك ..

والروح اخضيره بطاريكم

وگهاوي العبره ..

شمايضون ،

ظلمات بليّه لياليكم

گول اندارت ..

دنيه وبارت

عزته امحزم

*

ويّ هوه ..

الدنيه وما گالت ..

لوله بيارغكم ، چامالت

والدمعة السالت لفراگك ..

تتمزگ ..

چي دم ماسالت!

أنتم يلعيبي ،

اتعدلوها .. لكل ميله ..

وكل دوله العالت

گِل للعايل .. ما مش مايل .. الا ويغري .

ذراذير البراري

((أغنية عن النبع الذي يسهر))

١٩٦٤

حِنْ ..

وأنه حن ..

وانحبس ونّه ..

وتمتحن

مرصوص بس كةِ الدمع

شرط الدمع ،

حدّه الجفن

*

جفئك ،

جنح فرائشه غص

وحجاره جفني ..

وما غمض .

يلتمشي بيّه ،

ويه النبض

روحي اعله روحك تنسحن

حِنْ بويه حِنْ

عيونك ،
زرزير البراري
بكل مرحها
بكل نشاط جناحها ،
بغالي السحر
والروح مني ،
عوسجة بر
ما وصيل ليها النده ،
ولا جاسها بقطره ، المطر
وصفولي عنك ،
بالنباعي تفيض ..
واتعنيت ..
ليله .. وبه الغمر
وصفولي عنك ،
كل مسامة تفيض منك عطر ..
يلحسنك نهر

تنزل بصدری ،

وَيَه النَّفْسَ

وبدمی ،

غصین تنعجن

واشهگ ..

وأصعدك للسمه ..

بحسرات ..

وبعنة حزن

حِنْ .. بویه حِنْ .

✱

شفافك ، ولا گولن ورد ..

عنا به ..

معگوده عگد

تمتلي بگد ،

ما تنمرد

لا هي دفو .. ولا هي برد

أنه بوصفها راح أجن .

سكتاتك

تشكل خواطر ، بالقلب

مالي عرف ، بيهن جبل .

مبروم برم الریزه

یا ریان ..

ومخو صر خصر ..

لف العگل

كل چلمه منك ..

نبعة الريحان .. بالدلال ..

ما تحمل ثگل

وصفولي عنك

وردة القدر اح ..

ریش جناح ،

زاهي بالسحر .



وصفولي عنك

شال منك غيظ

بستان الورد

والترجس الرايح سكر .

حَنِّي بفواريز ولحن ..

حَنَّة حمامات السجن

حَنه الي ..

وحَنه الك ..

واللي يعجبه خَلِ ايحَنّ ..

حِن .. بويه حن .

*

أنه من أشوفك

يمتلي الماضي الجَدِب ،

زهرات بيض من الوِفه

وروحي سواجي من الحنين ..

تصير ..

وأُتنبه وِكت بيها غفه

يا محجل ..

ان مرّيت بيّه ردود

أرد ردود .. للعشرين ..

من عمر الجفّه

وأنصف عمر منك ،

نصّفته بالهجر ..

والهجر منك ما كفه

حتى الهجر يا روحي ،

منك ما كفه

وكلبي اعله هجر ك گام أيحن

حن .. بويه حن .

حن ..

حن وأنه حن

وانحبس ونه ونمتحن

مجبور ،

أرخصك عل الدمع

شرط الدمع يچوي الجفن

عودتني

((كفى رياء.. كنا ننتظر الحزن))

١٩٦٤

عودتني ..

أنتظر ..

وأرسم عله الأيام ..

موعد

عودتني ،

العید یعنی الناس ..

وویاهم أعید

گتلي .. مِنْ یعتگ جرح ..

جرحین ..

یتلاگه وجعها ..

وعودتني .

*

عودتني السفن ..

من تصفح ،

اگبال الريح ..

تتمزگ شرعها

گتلي

ما تُبْگه سفن ..

والناس ايعيروها :

خشب عادي

وايغرگها دمعها

گتلي يا سفان ..

من ضلع السفينه ينكسر ..

كل ضلع من عدنه ..

ضلعها

ردت اگلک .. !!

والتهينه ..

وفارگتني

ردت اگلک ..

عودتني .

*

عودتني ..

اترك ابيتك بطاقة عيد وموعد

واكتب ابابك اذا امسافر ..

چلمتين .. ولگيتك

سافرت من غير رجعه ..

وعودتني .

ياريجان

((وانتظرت عرسها المستحيل))

اشگدِ نده . .

نگط عل الضلع ،

وانسیت اُگلك . . یمته

اشگد رازقي ،

ونیّمته

واشکثر هجرک ،

عاشر لیالی الهوی ،

ومالته

انت سحنت اللیل ،

بگلیبی ،

وگلت موش أنتَ

*

یامه التراجی ،

مرجحن ،

حسّك الصافی

وغفّه

ويامه اسفحتلك بالليالي دموع

چانت ترفه

ويامه الدمع ،

ضوء سواد العين

وعينك صلفه

وتدري تنيت الدفو

بلهفة ورده

وماجيت ..

ونيمني الثلج ..

والشته كله اتعده

لا بالمحطه رف ضوءه

لاخط اجانه من البعد

لاريل مر عل السده

والشته كله اتعده

كله اتعده

واعلگنه للصيف اليجي

روازينه السمره ..

شمع

من ينزل أول الدفو بنيسان

يهتز النبع

يمكن ايخضر الضلع ...

يمكن بعد ، بالروح ،

ياريحان ،

وصله تنزرع

والغيظ اجانه

وانگظه

ورد انگظه

ورد گيظ أجه

والزلف هجرك فضضه

ورد فضضه

ومامش رجه

ولسّاع ..

من همسه تحيي من بعيد

يخضر الضلع

كل نسمة ترفه

من تفك الباب

يخنكني الدمع

لسّاع .. ولذته انقضت

اهجس على الكصايب

شمع

وردود اكلك ... يمته؟؟

اشكد رازقي

ونيّمته!

أملني يا أسمر ،

بيك ،

كل عمري انقضه

واملته



حتّه خيالك بالحلم

خايف يجي

وامنته

*

كل لحظه ، من هذا العمر

وعت حسافه

بگلبي

يا أول الريحان ،

يلعطيت ..

نوبه بدربي

يا آخر سواجي حنيني وحيبي

من يوم طيفك هجر نومي ..

ما نمت

حنّيه يا جذاب منك ..

ماشفت

من ظني كظُّك

بالحلم ..

عنبر فحت

من ردت أجيسك

جست روحي

وفرَفَحَت

اترف من اجفافي المهر

قندون ... ما ضايگ شكر

ياحلو يا جرّة كحل ..

ياحلو يا بوسة سهر ..

ياترف ييزي قهر

شيضرك ..

بكل الشته الولهان ،

لو صحوة مطر؟

والشته كله اتعده

والغيظ همّ أتعبه
شجّاب العشّك؟! واشودّه!!
لا بالمحطه رف ضوه ..
لا خط اجانه من البعد
لا ريل مر عل السدّه .

*

ولسّاع . مشدوده شبّكتك
عل الخصر
والرّكبه من تلتاف ، للبوسه ،
جسر
بس انت تدري ، شلون رصعه بالنحر
والشته شال شليله ،
من يمنه عبر
واسألته عنك ..
ياشته العشّاك ..

ما عندك خير؟

لك يا شته العشاك ، ماعندك خبر؟؟؟

والكيط اجانه

وانكضه

ورد انكضه

ورد كيط أجه

والزلف هجرک ، فضضه

ورد فضضه ،

ومامش رجه .

سفن غيلان أوزيرج

١٩٥٢ طفل ميت على الماء

١٩٥٢ فلاحو أوزيرج، هزموا الحكومة

١٩٥٢ تعرضت جموع الفلاحين الشائرة لنيران الاسلحه الحديثه

١٩٥٢ الثوار يتراجعون نحو الاهوار.

١٩٥٢ سفينة تأتي في نهر الهدام .

١٩٥٢ سناتي.

١٩٦١

زلمنه تخوض مَيّ تشرين ،

حدر البردي

تتنظر

زلمنه اتحز ظلام الليل ،

تشتل ذبحة الخنجر

زلمنه الماتهاب الذبح ..

تضحك ..

ساعة المنحر

يساكي الشمس ،

من عينك ،

ابعز الشمس ،

حُب أخضر

لَوْن حَلَّتْ نسمة الليل ،

شَعْرَكَ ،

تنشگ العنبر

أحط الحجل للشوار ،

گمره زغيره ،

عل المعبر

وأشيم أترف النجمات ..

فوك شراكم تسهر ،

سفن ((غيلان أزيروج)) تنحر الذاري

لَوْن وْدَن سفنهم ، يمك أخباري

أحلفلك بدم رجالنه الحزم سواد الليل

وبعز العشگ لو غاب ، نجم سهيل

اسمك بالغلب للصبح شایل هيل

لن وْدَت سفنهم يمك أخباري ..

*

وحگ عينك ،

أحط الروح ،

عل الساري

وأفل الحسره ،

بشليلك ..

واشوفك ،

أزغر أسراري

وأفك الشبكه ..

من ابعيد

أغله سراع

أشبيگ ،

شبكه النسمات ..

للنعناع

ليش الروح ، يامدلول ،

يَمَّك ،

تنشره وتنباع!!

✱

زللنه اتخوض مي تشرين ..

حدر البردي ..

تتنطر

زللنه اتغني والخنجر ،

يشگ الروح ،

((عل الميمر))

لَوْن كل الغصب ..

غنّه ،

بحنيني لشوفتك

ياأسمر ..

يسل الغصب سيل أصفر ..

واظن الماي يتمرمر ..

واظن حتّه النجم ،

يطفي زراگه ،

ولا بعد يسهر ..

واظن اكثر .

سفن غيلان أزيّج ،
تضوي بالعِبره
يا غيلان ،
يا غيلان أزيّج ،
كلبي شيصبره؟؟!

إِخْذْ كُلَّ الزِّلم ..
وأملِي السفن ..
يا عيني ..
اللّهُ وياك

وفَدَّ جِلْمَة عَشْگ ،
حلوه ..
اظن لها مچان ..

هناك
ذهبها بسكّنة العنبار .. يا غيلان
خلها اتعانگ السِكان ، يا غيلان
شارة نصر للسُّفان ، يا غيلان

يامعوّد ..

دخيل امروتك السمره

دِخيل الشوگ ..

أحبّ جفك ..

أحب ايدك ..

وشوف شفاف لو جمره

وليا لي الصيف ، ماودتلك أخباري ..

دَسِيل الجاري .. يحچيلك عله الجاري ..

سفن غيلان راحت تنحر الذاري ..

وحگ عين اتشوفك ميل ..

وأزود من مسافة ميل

راحت تنحر الذاري .

أيام الحزب

١٩٦٢

دِگِ راسک ، ابگاع العرس ..
واصعد امراجف ..

لِلدَفِ

أيام المزن .. گفن ..
تگفن ، يا ايام اللف .

*

هَيْلِكَ صِلَفِ ..
كِلَشِ صِلَفِ ..
تلني ، ولحس بعراي
أشحرك يا ابو عگال الترف ،
دِگِ غفوتي ،
ووعاني!!!

من أزمان شوگ مياسمي ..
وما مشِ نَدَه ، بغدراني
وانته عل أخضر بايع العشره ..
شَگْلُك .. تاني؟!!

دِگِ مَتَنَك ..

ابحجل العرس

وانگز نگزَتك ..

للدف

الدنيه غَرشه ،

وصَمَّ تَن ،

وتدور بينه ..

ونلتف .

يَسْمَر .. ،

اشكُثر اتغرنگت!!!

يلما شِفَت ..

مُثلَك وِنس

أُبْعِد ..

يَبْعِد امحبتي ..

أُنَوَّجِي ،

عله غروب الشمس

خَلْ نوصِلِ الفِيةَ كُصب ..

وأذبحلك ..

أمية النَّفسِ

معكود ستري بغترتك

والليل

بعيونك عرس

دِگِ سِتِرک ،

بستر العرس ،

وبضحكتك

حَنِّي الدف

عطشانه .

وأنته أميتك ..

ما توگف بحنة چف .

حتّه الكُصب ..

شب ابعگد ..

بوسه تشب من بوسه

حِسْهَا شْدَهْنِي ،

وْخَافْ غَلْبِي ،

وَلِدْتَ بِالْجَامُوسِ

چَا هَاذِي عَمَلَاتِ الْعَشْكَ؟!

غَلْبِي!!!؟

وَأَكْلَكَ دُوسِ

مُوشِ أَنْتَه صُوجْكَ ..

يَاشْهَمْ

غَلْبِي وَغَعِ نَامُوسِ

دِگِ رَاسْكَ ،

أَبْكَاعِ الْعَرَسِ ..

وَاصْعِدْ .. مَرَا جَف ..

لِلدَفْ

أَيَّامِ الْمَزِينِ غَضْنَ ..

تَغْضَنْ ،

يَا أَيَّامِ الْلَفْ

هَدَلْ رموشك ..

هدل اعله الروح ..

لُنْ تروه

يمعذب ظنوني ..

ذِراني الشوگ ،

وانت بذروه

خي لاتعذب الروح ..

يامدلول ..

سَوَه امروه

كلفه اُگلک ،

تذبح الزردوم ..

حَبَّة الخُوه ..

خنجر ..

وجفیه غُوه ..

وکل گدله ريحانة طَف

چني مشيت لدخلتي ..

ويدفعني رمشك ،
لورَفْ .

ايباهي اعاتب ؟!!

شويحت روحي .. وگضت
توميلك

طرزت روحي ، بريسَم أَشْگَر

ياترف ،
بشليلك

كُون أَنَه أَگودن مُهَرْتَكْ ،

كل العمر .. وأحچيلك

جَم دُوب أَعَاتَب ؟!!

والعتب ينسَاك ..

ويساويلك

أبدي عتبي ؟

لو ألكُ غيل العتب ..

عذر ولفُ

غبلك يغالي ..

نومتي ..

لا الها مخدّه .. ولاشفُ

*

چم ليطه من هذا الغصب ..

صابتك ..

واسلتها بصبر ؟

دَمَنه اشكتر حنّه الشلب ؟

واشكتر داوينه ؟

اشكتر ؟

چم سكته فوگ الموت؟

ولوية جوع؟

ونتريجه النصّر

چاماله حوبه بذاتك الحبابه ..

كل ذاك العمر .. !؟

*

دگ راسك ،

براس العرس ..

واشرب دمعتي بالدف

أيامي وایامك غضن .. بين المزين واللف .

*

أتمسك ،

أبرد الصبح ..

أزرگ

امرصع بالشذر

التمسك ،

ابفي الضحى ،

أمسلمهم ،

بنسمات الفجر

التمسك بجود النبع

باميته ، أبخر الظهر

لاتحجي ..

شايلك عذر ،

كلفه يلسمر ، تعتذر .

*

عذرك يحزني

من النحر ..

لاتحجي ..

ولا تتوسف

خلّ الفراغ بلاشمس ،

والدمع بالفي ينشف

*

اشْ ...

لاتوعي المِزنه ..

وتسودن حنيني ..

بعذرك

أنه اكربت بور الفله ..

وطشيت ..

صبري وصبرك

واسگيت ،

وضميت الشمس لليل ..

عود انتظرك

تاليها ريحان وملح!!

چا هذا گدري وگدرک

عذرك ، يشگ مرارتي ..

لا تحي ..

ولا تتوسف

چذباتك ،

تسل الخشب ،

يا فلان

وتشگ الدف .

نَعَثِرِ گذلتك ،

وأدلع زياگك ..

بعد ..

وأتهدلْ

ظلت انجيمه للصبح ..

کلسه أيتناوب منجل

والسلفِ دخان اگهوه ،

ودلة الصبح تدلل

نامن بنات الناس ..

وظلت فرس بالچتات .. يمك تصهل

حط راسك بگاع العرس ، واشرب حنينك بالدف
حنيت چفي ،

.. بلا عرس ..

للعتب ، عود أندهلك

ولضمت گذلة مهرك

بدموعي ..

گلهم لهلك

لاوين ، گلي يا ترف ..

مشبوچ غزلي وغزلك !!؟

ياضيم روحي ..

شميل الدنيه ..

وتميل عدلك !!؟



دگ راسک ابگاع الحبس ..

مانوگع أنحب الجف

أيام الزين گفن ..

تگفن يا أيام اللف .

*

لا وين گصدك ،

شایل بهلیل !!؟

رکد روحک

خذني ..

أذل الدوله ..

لورادت تذلل جروحک .

معتب ..

خلص بيّه الجرف ..

ما بيّه ، صبر دموعک

ولا بيّه ابچي گبال باب العدو ،

واطفي شموعك

*

دگ راسك أبگاع الحبس ..

ما نوگع .. انحب الجف

أيام المزین گفن ..

تگفن ..

یا أيام الف .

*

: کتّي الدمع بالفرح ..

لا تبچين ..

كلفه جراحي

مصوّب ..

وأخفگ ،

على الغصب ..

والليط صار جناحي

كِلْسَاعِ اطِيحَن ..

وَأَهْجِسِ الذِّلَّةَ ..

وَأَشْبِنِ صَاحِي .

مَعْتَبٌ يَدْهَرِي ..

شَكْرُ حَسْبَاتِكَ ..

وَرُوحِي تَنَاحِي!!

*

تَانِينِي يَا حَنْطَةَ هَلِي ..

وَزَيْتِي الزَّمَرُ لَا يَنْشَفُ

مَاطُولٌ بِالرَّيَّةِ .. نَفْسٌ ..

مَانُوكَع ، انْحَبِ الْخَفِ

يَكْغَضُن ..

وَارِدٌ يَادِيرْتِي ..

لِحَسَنِيَج ..

وَامُوتَنِ عَلَى التَّبَنِ

شوگي الج .. شوگ الكطه التايه ..

وموعات الدهن

هم أنه اضوگ أمیتج،!؟

واركض بزخات المزن

دونج

يحز بلوزتي الخنجر ..

وأکابر ..

عيب أون

*

تانيني ياديرة هلي . وخلي الرصاص اعله الجف

أيام المزين .. گضن

تگضن يا أيام اللف .

: رد والغصايب ،

رسن لمهرک ..

ونومي الحالي ..

أركض الجبالك ..

وأندى الحلوات ..

رَدُّ الغالي ..

رد الغالي

أحنه ..

بنغيصة ماي ..

ياناعور ،

وجرفك عالي

وفات الوكت ..

والليل ..

حَطَّ حَزَه ..

بكثر دلالي .

خنجر ،

وجفية غُوه

وكل گزله ..

ريحانة طف

چَنِّي مَشِيَّتْ ،

لَدْخَلْتِي ..

وَيَدْفَعْنِي رَمْشُكَ ..

لَوْ رَفُّ

✱

حَتَّه الْكَصْب ..

شَبَّ بَعْكَد ..

بُوسَه تَشَب ..

مِنْ بُوسَه

حَسَّهَا شَدَّهْنِي ..

وَخَافْ غَلْبِي ..

وَلَذْتُ بِالْجَامُوسَةِ

چَا هَزْدِي عَمَلَاتِ الْعَشْغِ !!

عُمْرِي . !

وَإِغْلُكْ دُوسَه

موش انتە صوچك ياشەم . .

دەرك وگە ناموسە .

۱۹۶۲

فوك التبرزك

((ولما عادت المشاحيف محملة

بالحزن، أين الجرف يارائحة

القصب)) ١٩٦٠

ودّيت جفن الكحل ،

مشحوف ناگل حِسِن

ناگل حنين العشگ

شهگات لیل و حزن

لاوچّه لیل ،

بوصل . . !

لاطيف!!

کلك دفن

وأُمّیتک لَذَّتِي . .

وفوگ التبرزل طَعْمُ .

✱

أشهگ . .

لَوْنِ احضنت خصري . .

بذبح منجلک

ویدور حَز العَشْگ ..

دایر مداري ..

فلک

مابین نهدي ، درب قداح یا سمر ..

الک

وامیتک لذتي .. وفوگ التبرزل طَعْمٌ .

*

أفیش ..

شمِني ..

بشهیگ الروح ،

شگة طلع


فُوج بحنین الصدر ،

طوفان دگ ورصع

لیش أنه وانتہ بعطش!؟

موش أحنه ،

نبعه ونیع



وأَميتك لذتي ..

وفوگ التبزل طعم .

*

مابين شهگه ونفس ،

ليلتنه ..

هودج عرس

تاخذنه حصنه ..

ونرد

الشفاف تنگط دبس

زقني ..

بلذيد النفس

گطع النفس

للشمس ..

واميتك لذتي .. وفوگ التبزل طعم .

*

أُمس ..

الهواجس خذن مشحوف روحي .. بدجن

ما دگن بهاجسك ..

يا اسمر

معاصد حسن

رديت جفن الكحل ،

مشحوف ..

ناگل حزن

لاوجه ليل ،

بوصل ..

لاطيف ..

كلك دفن ..

وأमितك لذتي .. وكل التبرزل طعم .

حصاد

۱۹۶۲

حزّ مینه الخنطه ،

حدر خصورها ..

ودلّعينه صدورنه ،

المنثورها

جور يلمنجل ..

عله خصور الذهب ..

يلي كل بذره ،

چنت ناطورها

هبت لياينه ، من عزها

مسج .

السنابل ، طشتّ الها بذورها

وعمرّينه الليل ،

سالوفة عشگ

عکس مالفنجان أیدور ..

اندورها

ولو طفت جمراته ،

عيون الزلم ،

تحضن الدله ،

وتوفي أندورها

ويامه عز أسرار ،

خبّاها الغلب

حسن السواليف ..

فض مستورها .

*

حنه سرّ حنه ..

بمدارينه ..

گنلتچ ياشمس ..

حنه مذرانه

يجيب أنجوم ،

ويودي عرس

والليالي ..

تعيش ،

ذليته الليالي ..

تعيش ،

سابغنه الرياح البلعالي ..

وطوغيته أنحورها .

*

وبكر الحاصود ،

وي طرة الفجر ..

ويّه تاله ،

تهز فرح عصفورها

شله حاجب !

لا الفخاتي ملكته ،

بطوگها ..

ولا نجمه ،

طفّت نورها

وتفرش النسمه ،

ضحكته للشمس ،

مفرش الطفله ،

بشليله ايدورها .

*

تبسم له ..

ويلوي رسنه ويه الهوه ،

الدنيه ضحكتهها ،

وحلاة شهرها

سرّه يتنفّس ،

اگذيلة مهرته ،

وطيب برّيه ،

أبدويه عطورها

وحين يأخذ من عروسه ،

خبزته

يلگه چفها ،

اعله الخبز ..

وسرورها .

*

وأرهفتله المهرته ..

تتسنت ..

الحسابات النفس

تطرب النجواه ، وبودها

نفسها ينحبس

وهو والمهره .. تعنّو .. من زغرهم للشمس .

*

تگا بلت عینه زلمها ،

وحورها ،

وأفزع الخشخاش نوم طیورها

وأجفلت گبره ..

من عش العشگ ..

گضت الليالي ..

وسکت ناعورها

والسنابل حين يچتلها العطش ..

تکسر ظهور ،

أعله ماي أجذورها

جور يلمنجل ..

عله خصور الذهب ،

يلي کل بذره ..

چنت ناطورها .

جنم أغنيده

((عن الايام التي لاتمر

مرة اخرى))

١٩٦٤

رَدَّ يَلِي الفرح . . رَدَّيت
معصد باب يبجيني وأحن حنة حمامة بيت
مثل الطاك محني عكاده عالمهجور
يلتم العكد بيّه ،

ويعبرني ثلاثيني جنح عصفور
تايه والعكود تدور
تايه والعكود تدور

*

للفضوه نشرنه چفوفنه جناحين
صرنا بلحظه طيارات ، وغنغنه ،
وجرح جنحي الطفل
ياطوفه
غصن التين

وجنح غنيده ، دگ جنحي ، وكسر عمري
وعبرنه سواجي وبساتين

بالحفرة كبرنه سنين
وردينه لهلنه هدومنه أتنكط محبه وطن

يغنيده أمس ، يا حلوة الحلوات ، صار العمر طوفة طين
وغفينه ولگينه الدرب والسماگ وقمر الدين
تتختل وره النسوان والشياب
ندگ المحلة الحلوه باب بباب
يا أول جرس أرعن نتل فرحة وكاحتنه ،
كبرنه سنين

يا أول جرس .. انتلني .. انتلني
لغنيده أمس ، للضحكة ، ردلي جناحي ،
رجعني

وتغيب الشمس خضره على محجر الجوارين
والمح عمتي من بعيد ، وتضمني بعبايتها ،
وأحس البيت

- عمّة الشمس ماتت ، وائته ما ردّيت
- عمّة الشمس ماتت ، وأني ما ردّيت
ردّيلي الفرح ، ردّيت
معضد باب يبيّيني ، وأحنّ حنة حمامة بيت
أتلّمس ثلاثيني ، وازنهنّ شدّة مفاتيح
ما رهمنّ
ولا مفتاح
لا افتك العمر بيهنّ ، ولا افتكّيت

جد ازيرج

١٩٦١ الميمونة

اوقف الفلاحون ، اشعلت النار في

بيوت القصب ، وعلى نار البيوت

استبيحت البنات . واكتفينا

ببرقيات الاحتجاج . ١٩٦١

من دَمَج ..

خذيته العرسه خزامه

خذيته برگع لحزنه ..

رسمنه خنجر .. بسجنه

وكتبنه حروف بحزامه ..

يا ضحجة حزن ..

مذبوحه باحلامه .

*

يا غابة غفو

اعله الماي .. يا جدي

يلبي بكل ربيع ،

اتخضر الخشخاش .. والبردي

تركناله عله الخافه ،

حجل وردي

تركناله گمر من دم ، عله مخدته

ومزگنه الليله خط عرسه ، (١)

ومكاتيب الهوه الستة . . .

صريفته رقم ٦

صريفه ١٣ دم

صريفه ١٤ سل وخنازير

صريفه ١٥ نار ومزامير

صريفه ١٧

مذبح عرض بنته

*

يا جد الغصب والخير والعنبر

يا جدي ، اللي غلبك طير

يحب الماي والبيدر

(١) كتاب العرس .

أخذها ،

لهورك ..

الضميت بيه جروحنه

من سنين

ضمها لصدرك التعبان ..

وخضّ جفوفها ،

من الطين .

اغسل دم رحمها ،

بماي أزيّج ،

وأحرك النطفه

أحرّغها يجدي .. لا الكمر يطفه

أحرّغها يجدي ، لا الشمس تطفه

لا تولد نسل من البشر ،

خنزير .

*

يا جد الحزن والريزه واليهته . .
تركناله گمر من دم عله مخدته
رسمناله علع الخبزه رَحَم بنته
وغلگنه الباب ،

والاحباب ،

والخطابه ،

ومشینه

معاضدها النباتي ، امكسر بيدينه

عرض بتها النباتي

أمس چانت مبعده ویه الفخاتي .

صريفته غدت خضره

صريفه ۱۳ ثوره

صريفه ۱۴ ثوره

صريفه ۱۵ نار ومزامير

صريفه ۱۷ فانوسهم أحمر

صريفه واحد توزع ورق أسمر .

يا جدي ،

المهرتك بالسحر خضره

نذرنا لك ، حـمن عذره

يا من تغزل بطارف غصبتك ،

فيّه للغمره

خلنه نغصله من غزلك ،

حزن ستره

خلنه نغص جفن لاعراضنه السمره

خلنه نغص لازيرج ، خرج لا سراره

يا جدي حزنه ، نجمه سياره

تهلhel . . حين ظالم ينهدم داره

تهلhel ، حين وحدك تدري يا جدّي

يا سبحة صبر عالماي والبردي

خذيّنه لعرسه خزامه .

١٩٦٢

چذاب

۱۹۶۴

رِدَتَكَ .. ولو چذاب

رِدَتَكَ ..

تَطَشْ بعمري ..

صَمَّ عتاب

رِدَتَكَ ..

ولو شباچ ..

يملي حياتي تراب

رِدَتَكَ ،

ولو صَبِيرَه حمره ..

تَفِيَّ وجهي ..

من حچي الغيَّاب .

*

چذاب ..

چذاب ياثعلب عنبنه الترف ..

ونعزك ،

ولو چذاب .

دگیت بابي ..

وعشبت بابي فرح ..

والخشب ..

عطّب ..

ذاب .

خدي اشتعل ..

والروح شبت ورد فلفل ..

والتراحي ،

ذابن بتيزاب

وأصهلت ..

مرجحت الكصايب ..

يا حبيبي ، يا حبيبي .. يا حبيبي

ومتت مثل الباب

چم دوب؟!

موگلنه الگلب .. بطل ..

ومنك تابُ !!؟.

چذاب .. يا گلبي .. يثعلب .. من گبل چذاب .

۱۹۶۴

باڳوڪ

((لڦڊ سرقنا مرتين))

۱۹۶۵

بحزامك مفاتيح السوالف

وأنت تدري ..

ضييعينه الباب والمفتاح

وشراعك شليل الليل

يحجي للسمع ،

سالوفة القداح

سولف يا حبيب ،

لا يجينه فراگ ،

ويحجي وياك ..

ويبوگگ .

أمس باگوك ..

ونشدوني عله أوصافك ،

حريت ..

راويتهم گلبي ، وگلت يرههم عليه مفتاح .

ولا أزود

((وهكذا كان ألم الاحزان الطرية))

١٩٦١

ترافه ..

ولیل ..

ودگ ریحان ..

یا أَسْمَرَ لَا تُؤَاخِذْنِي

يَلَنُ .. كل دگه من حسنك ..

شتل ریحان للجنه

لیالی ..

ودگ نحر حدّار

وأحنه الشوگ نأحرنه

تحنن ..

دوس ..

فوگ الروح ..

وأحسبها عَليّ مِنْه ..

أطگنُ ورد ،

من تجزي ..

وألف نَمَام .. يتحننّه

بترف جدميك أطيّرن فوگ ..

فوگ الفوگ

اكتنّ عل الورد ،

مِزنه

من أشوفك ..

أنذر النجمات ترجيه لسوالفنه

ووديلك هوى شگابین ..

وتردني بطرگ وّنه !!!

بوشل هجرک ، يلمدبّل

شتلنه العشگ والصندل

تنينه ..

وکل هجر حَمَلْ ،

دمع نیلي .. وسعد أسود

ترف وائته .. ولا سِعه

ولا مامش ..

ولا أزود

حسافه اسگيتك بروحي ..

وحسافه العمر ماورد .

*

أخبرك ..

روحي تلفانه ..

تدور بفلک لك حسره

واغرگها جرف أسمر، حزين ..

بماي كل عشره

يگلي أمعبر الطبگه ،

: عشگنه أنياحه .. ياسمره؟! :

يلمعبر ..

دَصِدِ عينك ،

لجعة العين ماتبره

تأمل بينه .. يا حبيب

رصعة الخنچ ،

فَيَ گمره

نسيت الروح ، يائمه ..

بطبقة الترف

والزهره

شدهني ..

وتلها من أيدي ..

وعگدها بطارف الغتره

أموتن وانتِ غليله ،

تظل رويحتي بستره

ياروحي ،

شكثر عاگولچ ،

والمجاتل عله الگطره؟

تبهذل حالي ،

كل دگة .

وتذبني بفرح ،

كل شمره

الزلف نايل هوى جبوري ..
وأنگط اشفا في علّ جُوري
ترسنه صواني فرفوري ،

فرح نيلى ..

ووصل اسود

ترف وائته ولاورده ..

ولا شوكة

ولا أزود

حسافه سگيتك بروحي ، وحسافه العمر ماورد

*

فرشت شليلي ،

بدرويك

أبيع العشگ ، للدنيه

هضيّمه ..

اتحنّ الشامت عليه ،

وتشتمت بيّه

چئير اغزازك بروحي ،

واڭولن

هاي حنيّه

من أتلك بالحلّم ..

يسمر ..

يجي القداح ..

بيديّه

واعتك ،

واطبج بحرگه ..

رِفيف الرِيّه عل الرِيّه

وتسيل دموعي بچفوفك

نبح ،

برمال نجديه

وأغلك :

وين هالغيبه؟!!!

سنه . . !

وبالحلم منسيه

يَطفف . .

اشويه عاشرنه . .

الصبح دنياك ، مَغْضيه

شغلك؟ وانت هلمايح . .

وأنه من الحرکه . .

زهديه؟!!

يمایل فرگ . .

کل مایل فرگ . .

بالعشگ عاريه

بوشل هجرك ، يلمذبل

شتلنه من الحزن مشتل . .

تنينه ..

وكل هجر وشل

دمع نيلي .. وسعد أسود

ترف وائته .. ولاسعه ..

ولامامش ..

ولأزود

*

حسافه سگيتك بروحي ..

وحسافه العمر ماورد .

۱۹۶۱

ديچ ابو العرفين

ديچ أبو العرفين ..

ومحجل حجل حُبي ..

علامه

يفرش الجنحين لو شافچ ،

من الفرحة ..

ويشمر الشوگ گامه

آنه ودويچي انتگابليچ

نلگطچ شامه .. شامه

آنه ياحيبه فعل

واعرف سواليف الفخاتي

آنه والديچ وعباتي

وهم صلاتي

أميه انت

وآنه رمل الله بتهامه

أُمِّيَّهْ أَنْتِ

وِغَلْبِي نَارِ بَزُورٍ وَلَا مَرْتِ غَمَامِهِ

*

طِيرِ ابْنُ الْكَعْكَوْلَةِ

وَمَحْجَلِ حَجَلِ

حَبِي عِلَامِهِ

حَطَّتْ طَيُورُ الْمَحَلَةِ

وَهُوَ

يَغْلِبُ مِنْ غَرَامِهِ

من قصائد ليست للنشر

بسك

بسك يازحير ألون ،

ضاف الليله حزن جديد ..

عِدْنَه ..

وساهرن الظنون

بسك يازحير ألون ..

ولك بسك ..

ماعاد الغلب يجدح ..

ولا ضاغت جفنها عيون

بسك يازحير لون ..

بسك ..

مااظن دروب روحي ،

الليله ،

ظل بيها درب مأمون

أيلول ١٩٦٤

شماليه

شما تهب ، نسمة شمال بليل ..

يا ((فلانه)) . أهب

الشوگ بضلوعي رطب ..

كلش رطب ..

اسمع الزقات بشفافچ ،

واگول فراخ

ماشبن ..

بَعْدُ بيهن لعب

كبرن أيام الحنين سنين - ياطقله ..

وغده الزهدي .. چسب

هبت بنومي ، شمال ، الليله ..

واستبرد غله دموعي ، العشب

ياشماليه .. الهوه الأول كلف ..

ياشماليه .. الهوه الاول

أب ١٩٦٤

((صلاح))

المنايا الما تزورك زورها

خطوة التسلم ذبايح سورها

طافح عله الريح عينه ايدورها

املح من ترابها . ويجورها

صكر . . والبيده تعز صگورها

وبأثر جدمه . تلوذ طيورها

وسفه ما حفظت صگورها

وسلمته بليله ، عمت ناطورها

١٩٦٤

شباچ

اخذ مني الناهي ..

ذبحه ..

وگتله زید

وانت یا گلبي .. آرید

وما آرید

ما أجدد ..

انت یا گلبي عتگت .. وآنه عتگت .. والشوگ

ماظل شي جديد ..

يامه تانيت الهوه بليل الشته ..

وشعلت الدموع بدروب البريد

شلت شباچي وراها ..

من ما تمشي اعاب ..

من بعيد .

۱۹۶۴

توضيح لبعض المفردات الشعبية العراقية

المشحوف : زورق من الخشب والقيصر على شكل جفن العين
يستعمل في احوار العراق .
نغضني : أتعبني .
الزيج : فتحة الثوب عند الرقبه .
مزهور : السمك الذي يطفو بعد اصطياده بالسم .
القاله : آلة لصيد السمك (قصبه في رأسها قطعة معدنيه بخمسة
رؤوس مدببة) .
هيمه : صحراء مقفرة .
نجمات الورشن : نجمات الشرطة .
النباعي : منطقة يزرع فيها البطيخ ، ماؤها مر ، ولكنها تعطي
الحلى البطيخ .
الريزه : أحد أنواع الحرير القديمه .
الرازقي : الفل .

الخط : المكتوب ، الرسالة .

الغيظ : القیظ .

القندون : وعاء من الفضة أو البلور للسكر ..

غیلان أزیرج : صاحب سفن في جنوب العراق كان يتعاطف سرّاً

مع الثوار ، والأغنية تتحدث بلسان صبيه كانت تعشق

أحد الثوار الذين التجأوا الى الأهوار ، وتنتظر سفينة

غیلان كي تسأل .. وأزیرج اسم قبيلة مشهورة

بمعاركها)) .

حدر : تحت .

أزغر : أصغر .

المزین واللف : نوعان من السكائر المحلية ، الأولى ذات عقب

ومتطورة عن الثانية التي تلف باليد .

مامش : لا يوجد .


- عيب : لا . قط .
انگز : اقفز .
غرشه : الأركيله .
صم : قبضة .
الصريفة : بيت الطين .
اتفرنغت : من طائر الغرنوق الأبيض .
الحبة : القبلة .
ليطه : شوكة .
الزمر : سبطانة البندقية .
التبرزل : نوع من التمر .
الفخاتي : طيور الفاخته .
هدومنه : ملايسنه .
باگوك : سرقوك .

- ولا أزود : ولا أكثر .
- حسافه : من الحزن الأسف .
- اللجعه : الكوية .
- نايل : غناء عراقي حزين .
- زحير : ألم الزحار .
- الجسب : التمر الجاف .
- شدهني : الدهشة والوجوم .

فهرس القصائد

11	١- للريل وحمد
21	٢- مضاييف هيل
33	٣- عشائر سعود
43	٤- جايته مزنه
49	٥- نكفني
55	٦- مامش مايل
65	٧- زرازير البراري
77	٨- عودتي
83	٩- يا ريحان
95	١٠- سفن غيلان أزيـرج
103	١١- أيام المزين
125	١٢- فوگ التبرزل
133	١٣- حصاـد

141	١٤- جنح أغنيده
147	١٥- جد أزيج
157	١٦- جذاب
163	١٧- باڭوك
167	١٨- ولاأزود
179	١٩- ديچ ابو العرفين
183	٢٠- من قصائد ليست للنشر
191	توضيح لبعض المفردات الشعبيه العراقيه



يَكْغُضَن..

وَأَرِدِ يَا دِيرَتِي

لِحَسَنُجْ،

وَأَمُوتُنْ عَلْ تَبِنْ

شُوكِي إِلْجْ، شُوكِ الْكُطَه التَّايَه..

وَمُوعَاتِ الدَّهْنِ

هَمْ أَنَهْ أَضُوكْ أَمِيْتِجْ؟!

وَأَرْكُضْ بِزَخَاتِ الْمَزْنِ

دُونِجْ..

يَحْزْ أَبْلُوزَتِي الْخَنْجَرِ

وَأَكَابِرْ

عَيْبْ أُونْ

تَانِينِي يَا دِيرَةَ هَلِي.. وَخَلِي الرِّصَاصِ اعْلَهْ الْخَفْ

أَيَّامِ الْمَزِينِ.. كْغُضَن..

تَكْغُضَن يَا أَيَّامِ الْلَفْ.

ISBN: 2-84305-964-X



9 782843 059643